

taro der Leber / vom Saturno & Jove dem Milz vnd  
 Lungen / vom Marte & Venere, den Nieren vnd  
 Geburt, gliedern / von Antimonio & Tartaro, allen  
 Zufällen vnd Gebrechen des ganzen Leibs / vnd  
 treiben solche metallische Spiritus, welche mit Tar-  
 taro gemacht seyn / den Schweiß gewaltig / dar-  
 durch viel böses auß dem Leibe getrieben wirdt:  
 Desgleichen thut auch das Oleum, wiewol solches  
 von etlichen Metallen gemacht / als vom Mercurio  
 vnd Venere, nicht wol innerlich zu gebrauchen  
 seyn / weilen dieselben / salivationem vnd starcke  
 vomitus machen. Eusserlich aber seyn dieselbe sehr  
 gut / alle ulcera putrida zu reinigen / vnd zur Hei-  
 lung einen guten vnd beständigen Grund zu ma-  
 chen.

Die Remanenz / davon der Spiritus vnd Oleum  
 ist distilliret worden / kan außgenommen / vnd in  
 einem Tiegel widerumb zu einem Metall reduciret  
 werden / auff daß dasjenige / welches nicht vber-  
 gangen ist / gleichwol nicht verlohren / sondern wie-  
 derumb könne zu Nutz gemachet werden.

Gleich wie nun gelehret worden / mit Zuthun  
 Tartari crudi auß solvirten Metallen Spiritus vnd  
 Olea zu distilliren / also geschicht es auch auß dem  
 gemeinen Vitriol vnd Weinstein / nemlich also /  
 nimb zu einem Theil Tartari pulverisati, 2. Theilen  
 guten reinen Vitriol / mische beyde species wol vn-  
 tereinander / vnd distillire davon einen Spiritum,  
 welcher zwar etwas vnfreundlich zu nehmen her-  
 gegen er aber in allen obstructionibus, & putredi-